

Nr 45

Boazodoalu ja luondduealáhusaid ruhtadanláhka

Addojuvvo Helssegis ođđajagimánu 21. beaivve 2000

Riikkabeivviid mearrádusa mielde mearriduvvo:

1 lohku

Almmolaš njuolggadusat

1 §

Lága ulbmilat

Dán lága ulbmilin lea ovddidit ja dahkat mánngabealageabbon boazodoalu ja eará luondduealáhusaid ealáhusoaimma, buoridit ealáhusaid struktuvrra ja doaibmavejolašvuodaid, ovddidit ođasmuvvi luondduriggodagaid bistevaš geavaheami, ovddidit boazodoallo- ja luondduealáhusguovllu ja doarjut bieđgguidássanguovlluid ja servošiid ovddideami boazodoalloguovllus ja luondduealáhusaid jođihanguovllus. Ulbmilat ollašuhttojuvvorit oassin boazodoalu ja luondduealáhusaid doaibmaevttuid ovddideamis. Dán lága mieldásaš doaimmain galgá dasa lassin váldit vuhtii Eurohpa Ovtastumi oktasaš eanadoallopoltihka ja guovllu-ja struktuvrapolitihka ulbmiili.

Dán lága mieldásaš doaibmabijuin galgá erenoamážit váldit vuhtii ahte sámiin galget leat vejolašvuodat bajásdoallat ja ovddidit iežaset kulturnápmái gulli ealáhusaid sámiid ruovttuguovllus.

Dán lága mieldásaš doaibmabijuin galgá dasa lassin giddet erenoamáš fuopmášumi:

1) buvtadan- ja gilvalannávccaid lasiheapmái, boazodoalliid ja luondduealáhusbargiid doaimma mánngabealageabbon dakhmii ja ovddideapmái ekonomalaš ollisvuodaid mielede ja ovtasbarggu ovddideapmái;

2) fitnodatdoaimma álgaheapmái;

3) buktagiid kvalitehta buorideapmái ja buvtadusa ođasmaahttimii märkaniid dárbbu mielede;

4) bistevaš ovddáneami mieldásaš buvtadussii, birasáššiide, cáhceriggodagaid bistevaš geavaheami prinsihpaide ja bargobirrassa buorideapmái;

5) ollašuhtinvuoláš doaibmabijuid ekonomalaš, sosiálalaš ja čuvgehuslaš váikkuhusaide ja dásseárvo- ja bargolašvuodaváikkuhusaide; ja

6) ássandili ovddideapmái ja ássanbirrasa buorideapmái.

2 §

Guoskadansuorgi ja eatnandiedalaš guoskadan-guovlu

Dát láhka guoskaduvvo Eurohpa eanadoalu stivren- ja doarjunfoandda (EMOTR) doarjagis dál-longouovllu ovddideami várás ja dihto ásahusaid rievadeami ja gomiheami birra addojuvvon rádi ásahusas (EO) Nr 1257/1999 (maŋjeleappos EO:a dál-longouovllu ovddidanásahus) oaivvilduvvon doaibmabijuide. Dasa lassin dát láhka guoskaduvvo EU-oassáiruhtadan doarjagiidda, mat máksojuvvorit EO:a márkanordnenásahusaid vuodul, ja váldegottalaš dievasmahti dál-longouovllu ovddidandoaibmabijuide. Dán lága ulbmiili juksama várás sahtta geavahit sihke váldegottalaš doarjaviogádagaid ja doarjjavuogádagaid, mat ruhtaduvvorit Eurohpa Ovtastumi (EO) struktuvrafoanddaid ruđaiguin dahje Eurohpa Unionnna (EU) eará ruđaiguin muhtumassii dahje ollásit. Dát láhka ii guoskaduvvo Eurohpa Ovtastumi oktasaš guolástanpolitihka suorgái gulli doaibmabijuid doarjumi.

Dát láhka guoskaduvvo boazodollui, mainna bargojuvvo boazodoalolágas (848/1990) oai-vvilduvvon boazodoalloguovllus. Luondduealáhusaid hárrái dán lága mearrádusat guoskaduvvojít Eanodaga, Anára, Ohcejoga ja Suovvaguoikka gielldain ja Muonio, Gihtela, Soadegili ja Salla gielldain dain osiin, mat leat Kajanki, Tepasto, Pomovaara, Peurasuvanto, Savukoski, Seitajärvi, Ruotsukainen á, Pulkkaviita ja Ylirovanvaara hábmen rádjelinnjá davábealde nu, ahte dálut mat

deivet dán linnjá ala lohkojuvvojit goittot ollásit mieldे.

3 §

Meroštallamat

Boazodoallodállu ja luondduealáhusdállu oavvilda dán lágas ovta dahje eanet dáluid dahje dálloosiid hábmen ollisvuoda, mat gullet seamma oamasteaddjái dahje juoga eará ákka vuodul dálú hálldašeaddjái. Dállooassi oavvilda dálú mearreosi ja mearreviidotaga. Boazodoallodállun ja luondduealáhusdállun sáhttá atnit maiddái huksendohkálaš gittoapmodaga. Ráddéhusa ásahusain sáhttá addit dárkilet mearráusaid das, mii boazodoalu dahje luondduealáhusa jodiheapmái heivvolaš ollisvuhtii gullá;

Boazodoallu oavvilda boazodoallolágas oavvilduvvon bohccuiguin bargama;

Luondduealáhus oavvilda boazodoalu, guolástusa, meahccebivduu, murjema, guopparchoaggima ja luonddu bissovaš buvttadannávccaide vuodđuduvvi luondduriggodagaid ávkinatnima. Luondduealáhusaide gullet maiddái luondduealáhusa oktavuođas jodihuvvon guollešaddadeapmi, giehtaduodjin dahje muđui ruovttus dáhpáhuvvi, luondduealáhusas fidnejuvvon buktagiid ordnen ja ovddosdikšun, luondduealáhusain dárbbalaš biergasiid gárvistearpmi ja ordnen, mátkemuittuid gárvistearpmi ja luondduealáhusa oktavuođas dáhpáhuvvi idjadan- ja oahpistanvejolašvuodaid fállan mátkkálaččaide ja eará bálvalandoibma. Luondduealáhusaide lohkojuvvo maiddái luondduealáhusa oktavuođas jodihuvvon smávvaa eanadállodoallu;

Eará fitnodatdoaibma oavvilda luonddu bissovaš buvttadannávccaide vuodđuduvvi fitnodatdoaimma ja vuodđobuvttadusa oktavuođas jodihuvvon eará fitnodatdoaimma, mii addá barggu fitnodatbargi ja su bearashahtuid lassin eará olbmuide, go vuodđobuvttadus lohkojuvvo mieldе, eanemustá golmma jahkebargosaji meari ovddas. Eará fitnodatdoaimmain sáhttá buohtastahttit bálvalusaid dahje buktagiid ovddosdikšun-, juohkin-, dahje vuovdingollosa oasi nugo ráddéhusa ásahusain mearriduvvo;

Boazodoallo- ja luondduealáhusbuktagiid ovddosdikšun ja márkanastin oavvilda Eurohpa Ovtastumi vuodđudansoahpamuša čuvvosis I oavvilduvvon buktagiid ovddosdikšuma dahje gávpemárkaniidda lálideami;

Ruhtalágádus oavvilda ossodatbájkuid, seastinbájkuid ja fitnodatbájkuid ja daid konserdnii gulli servošiid ja Suomen Hypoteekki-

yhdists á ja eará servošiid (mearriduvvojít dárki-leappot Eana- ja meahccedoalloministeriija ásahusain), maid doaimma sáhttá buohtastahttit máinnašuvvon ruhtalágádusaiguin;

Guovddášruhtalágádus dahje ruhtadeami bálvalanfitnodat oavvilda ruhtalágádusa dahje eará servoša, man birra mearriduvvo dárkileappot Eana- ja meahccedoalloministeriija ásahusain ja man doaimma sáhttá buohtastahttit ruhtalágádusain; ja

Boazodoallo- ja luondduealáhusfitnodat oavvilda ealáhusbargi, gii bargá boazodoaluin dahje luondduealáhusain dahje eará fitnodatdoaimma, mainna bargojuvvo boazodoalu ja luondduealáhusa oktavuodas.

4 §

Eará almmolaš doarjja

Dán lága mieldásaš doarjaga rehkenasttedettiin válđoduvvo geahpedeaddjin vuhtii seamma fidnui juolluduvvon eará almmolaš ruhtadandoarjja.

Doarjja ii oaččo mannat badjel Eurohpa Ovtastumi dahje kommišuvnna mearráusain ásahusain dahje mearriduvvon alimusdoarjaga.

Dát láhka ii guoskaduvvo fidnui dahje doaibmabidjui, mii lea dorjojuvvon nuortalašlága (253/1995) vuodul.

Jos smávva eanadállodoallu, mainna bargojuvvo boazodoallo- dahje luondduealáhusdálus, gáibida gaskamearálaččat stuorát bargomeari go 1 000 olmmošbargodiimmu jagis, de eanadállodollui guoski doaibmabijuid ii dán lága mieldе oaččo lágidit dákkař dálú oamasteaddji dahje hálldašeaddji buorrin.

5 §

Doarjaga oažžuma almmolaš eavttut

Doarjaga dán lága mieldе sáhttá juolludit ovta dahje eanet lunddolaš personnaide, priváhtadahje almmosvuigatvuodalaš servošii ja vuodđudussii, jos maŋnelis ii nuppeláhkai mearriduvvo. Doarjaga sáhttá juolludit maiddái ovdalis máinnašuvvon dáfuide oktasaččat. Doarjaga juolludaneaktun servošii ja vuodđudussii lea ahte doarjundohkálaš olbmos dahje eanet doarjundohkálaš olbmuin ovttas lea mearidanváldi servošis ja vuodđudusas.

Doarjaga sáhttá juolludit dákkař ealáhusbargái, gii oažžu válđooasi áigáibođustis boazodoalus dahje luondduealáhusas, man ekonomalaš eallindohkálašvuoda sáhttá čájehit ja gii ovddida ealáhusa doaibmavejolašvuodaid ja gean orru gán-

náheamen doarjut, go válđá vuhtii dán lága ulbmíliid. Doarjuma dárbbašlašvuoda guorahaladettiin galgá daid doarjagiid hárrai, mat máksojuvvojít dán lága vuodul, gáibidit dan ahte doarjaoažžu ássá boazodoallolágas oaivvilduvvon boazodoallo-guovllus dahje 2 §:s daddjojuvvon luondduealá-husguovllus.

Doarjaga ii sáhte juolludit vuollel 18-jahkásážzii iige 65 jagi deavdán olbmuí.

Ráddhehusa ásahusain sáhttá mearridit ahte ealáhusbargi sisaboadut eará go dán lágas oaivvilduvvon ealáhusdoaimmas eai oaččo mannat badjel dan meari, mii nannejuvvo ráddhehusa ásahusain.

Ráddhehusa ásahusain mearriduvvo dain ákkain, maid mielde sáhttá spiehkastit dán paragráfa 3 momeanttas oaivvilduvvon doarjaoažžu ahkeavttuin.

6 §

Dárkilet ákkat doarjaga juolludeapmái

Ráddhehusa ásahusain mearriduvvo stáhtabus- eahtas lágiduvvon mearreruđaid ja eanadállodo-alu ovddidanfoandda geavahanplánas lágiduvvon ruđaid olis dán lágas oaivvilduvvon doarjaviogá-dagaid atnuiváldimis ja dárbbu mielde guoska-danáiggis.

Ráddhehusa ásahusain sáhttá mearridit dárkileappot doarjjahámiin, doarjaga juolludanákkain, doarjagiid alimusmeriin ja soahpmuššii vuodduduvvi doarjagiid almmolaš eavttuin. Doarjaga sáhttá sierranahttit guovluid mielde.

7 §

Ruđaid stivren

Eana- ja meahccedoalloministerija fuolaha ruđaid stivremis, maid sáhttá geavahit dán lága ulbmiliidda nu, ahte addá ruđaid geavaheamis dárkilet mearrásaid, go mat gávdnojít EO-njuolggadusain, dán lágas, ráddhehusa ásahusas ja eanadállodoalu geavahanplánas.

Eana- ja meahccedoalloministerija sáhttá addit mearrásaid das, mo ruđat stivrejuvvojít me- riid, guovluid ja doaibmasurgiid ja čuožáhat-jovkui guoski juohkáseami mielde. Eana- ja meahccedoalloministerija addin ásahusain mear- riduvvojít maiddái dárkilet njuolggadusat (go lea- dát láhka ja ráddhehusa ásahus, mii addojuvvo dan vuodul) huksema birra, mii dorjojuvvo dán lága vuodul ja nannejuvvojít dárbašlaš osiin dat golut, mat das dokkehuvvojít.

8 §

Eurohpa Ovtastumi ruhtadeapmi

Eana- ja meahccedoalloministerija doaibmá EMOTR:a doarjunossodaga hárrai ruđain vás- tideaddji ministerijan ja EMOTR:a stivrenosso- dagas juolluduvvon ruđaid hárrai rádi ásahusas (EO) Nr 1260/99 oaivvilduvvon máksineiseváldin ja addá ruđaid maiddái eará ministerijaid hállda-hussurggiide foandda ruhtadan prográmmaid ollašuhtima várás beroškeahttá das, juolluduvvo- jitgo ruđat ovdalis mánnašuvvon foanddas stáhtii vai stáhta ovddosfuolahanhákai. Eana- ja meahc- cedoalloministerija sáhttá maiddái váldit vuostá mánnašuvvon ásahusa mieldásaš máksineise- válddis geavahanlánkai EO:a eará struktuvrafo- anddaid ruđaid, vai sáhttá ollašuhtit oktilaš prográmmaášsegirjiid dahje EO-álggaprógrá- maid dán lágas daddjojuvvon ulbmiliidda. Eana- ja meahccedoalloministerija fuolaha maiddái EO:a máksinossodaga ohcamis, ruđaid bajásmer- kemis ja eará ruhtadoalu ja ruđaid ovddosmáksis- mis kommišuvdnii. Eana- ja meahccedoallominis- terijai gullá maiddái addit dárbašlaš čilgehusaid ja ovddastit Eurohpa Ovtastumi doaibmaorgánain dán lágas oaivvilduvvon áššiid giedahaladettiin.

EU-ruđat bajásmerkejuvvojít stáhtabušeahtha bokte stáhtavuorkái. Eanadállodoalu ovddidanfo- anddas juolluduvvon oassáiruhtadandohkálaš doarjaga EU:a ruhtadanossodat sirdojuvvo bušeahtas fondii.

EMOTR:a doarjunossodaga ruđaid hálldaš- anmeannudeamis čuvvojuvvo, mii oktasaš eanadoallopoltihka ruhtadeamis addojuvvon rádi ása- husas (EO) Nr 1258/99 ja dan vuodul addojuvvon EO:a njuolggadusain ja mearrádusain mearriduvvo máksiovttadaga ja ruđaid hálldašeami birra. Dat mii Eurohpa Ovtastumi oktasaš eanadoallopoltihka ollašuhtima birra addojuvvon lágas (1100/1994) ja dan vuodul mearriduvvo, čuvvojuvvo heivvolaš osiin, go ollašuhttojuvvojít dán lágas oaivvilduvvon doarjaviogádagat.

9 §

Prográmmabargu

Prográmmabarggus čuvvojuvvo, mii struktuvra- foanddaid váldegottalaš hálldašeami birra sierra mearriduvvo. Ráddhehusa ásahusain sáhttá goittot dárkileappot mearridit eatnangotti ovttasbargo- juhkosa bargguid birra, go dán lágas daddjojuvvon doaibmabijut ollašuhttojuvvojít.

2 lohku

Váldegottálaš ruhtadandoarjja

10 §

Almmolaš áššit

Manjelis 4 logus oaivvilduvvon doarjagiid sáhttá dárbbu mielde juolludit maiddái ollásit váldegottálaš ruðain. Doarjaga sáhttá juolludit maiddái 1 §:s máinnašuvvon ulbmiliid ollašuhtima várás maiddái váldegottálaš prográmmaide, ovddidan-doaibmabijuide ja fitnuide.

11 §

Investeremiid doarjun

Dán lága vuodul sáhttá doarjut investeremiid nu, ahte juolluduvvojít ruhtadandoarjagat čuovvovaččat:

1) ealáhusain bargama dáfus dárbašlaš dállo-doallo-, buvttadan- ja idjadánvisttiid ja daidda guli biergasiid sihke guollešaddadanládduid huksema, viiddideami ja ordnema várás ja ássanbirrasa buorideami várás (*huksendoarjja*) ;

2) bealddu goikadeami ja čiegusrávarokkiid goaivuma várás (*ordnendoarjja*) ;

3) dakkár priváhtageainnu várás, man ráhkade-apmái ii sáhte juolludit ruhtadoarjaga priváhtageainnuid birra addojuvvon lága (358/1962) vuodul ja dasa lassin dakkár geainnu, man dušše gittaopmodaga oamasteaddji dahje hálddašeaddji oažju geavahit, ráhkadeami várás (*geaidnodoarjja*) ;

4) čáhcehákkan- ja duolvačáhcerusttegiid huksema várás (*čáhcefuołahusdoarjja*) ;

5) ealáhusas dárbašlaš luovosopmodaga hákama várás (*luovosopmodatdoarjja*) ;

6) elerávnji fidnemii vuogadahtti ossodat- ja searvanmávssuid máksima ja elerávnji hákama ja juohkima várás dárbašlaš rusttegiid huksema várás (*elerávdnjedoarjja*), ja

7) erenoamáš mávssolaš siva dihte luondduro-asuid dagahan bohccuid heahtebiebmama várás nugo ráðdehusa ásahusain sierra mearriduvvo.

12 §

Eanaoastinruhtadeapmi

Dán lága vuodul sáhttá doarjut eanahákama nu, ahte juolluduvvojít ruhtadandoarjagat čuovvovaččat:

1) dálu, mearreosi dahje lasseeatnama hákama várás (*eanaoastindoarjja*),

2) ovta dahje eanet mearreosiid hákama várás dálus, masa ohccis lea ossodat (*oappážiidossodatdoarjja*);

3) dássema ja lotnunossodaga máksima várás (*dássen-ja lotnundoarjja*); ja

4) láhkaoasi dievasmahtima máksima várás (*láhkaoassedoarjja*) .

13 §

Visteruhtadeapmi

Dán lága vuodul sáhttá juolludit ruhtadandoarjaga ássanvistti huksema, viiddideami ja ordnema várás ja ássanbirrasa buorideami várás, jos máinnašuvvon ulbmiliidda ii sáhte juolludit eará doarjaga almmolaš ruðain (*vistedoarjja*) .

Doarjaga juolludaneaktun lea ahte doarjjaoažzu geavaha doarjunvuoláš vistti iežas dahje bearashahtuidis fásta viessun.

14 §

Boazodoalu ja luondduealáhusaid ovddidanfit-nut

Dán lága vuodul sáhttá juolludit doarjaga dakkár fitnuid goluide, maid ulbmilin lea:

1) buoridit vejolašvuoda bargat boazodoaluin ja luondduealáhusaguin ja ovddidit boazodoallo-buktagiid ja luondduealáhusain fidnejuvvon buktagiid buvttadanvugiid, márkanastima ja ovddos-dikšuma;

2) ovddidit ealáhusain bargama ja birrasa buori-dandoaimmaid; dahje

3) čilget ealáhusbargi dárbašan skuvlema dahje álggahalli fitnodatdoaimma doaibmavejolaš-vuodaid.

3 lohku

Bálgosiidda guoski sierra váldegottálaš ruhtadandoarjagat

15 §

Bálgosiid investeremiid doarjun

Boazodoolloágas oaivvilduvvon bálgosiidda sáhttá juolludit ruhtadandoarjaga boazodoalu dá-fus vealtameahttun fásta caggan-, mearkun-, rát-kin-, čuočuhan-, guođohan- ja suodjeáiddiid ja njuovahagaid ja bargosadjevitstiid huksen- ja ord-nengoluide. Máinnašuvvon bargguin fuolaha bál-ggus.

- Bálgosii sáhttá juolludit doarjaga maiddái:
- 1) rátkingárddiide ja njuovahagaide manni geainnuid ráhkadan- ja ordnengoluide (*geaidno-doarjja*);
 - 2) njuovahagain dárbašlaš čáhcehákkan- ja duolvačáherusttegiid háhkangoluide (*čáhcefuo-lahusdoarjja*); ja
 - 3) elerávnnji fidnemii vuogadahtti ossodat- ja searvanmávssuid máksima ja elerávnnji háhkamii ja juohkimii dárbašlaš rusttegiid huksema várás (*elerávdnjedoarjja*).
- Dát láhka ii guoskka cagganáiddiide, mat huk-sejuvvorit riikkaráji ala iige daid ordnemii.

16 §

Luovosopmodatdoarjja

Bálgosii sáhttá juolludit luovosopmodatdoarjja boazodoalu dáfus vealtameahttun sirditvejolaš áiddiid, elerávdne- ja čáhcefuo-lahusovttadagaid, njuovahatovttadagaid ja bargasadjevitstiid háhkama várás ja dasa lassín sagahanbohccuid ja Eana-ja meahccedoalloministeriija addin ásahusas dárbašlažan gehččojuvvon, boazodoalu dáfus vealtameahttun eará goluide, mat bohtet luovosop-modaga háhkamis.

Ráddhehus sáhttá erenoamás móvssolaš siva dihte ásahusain mearridit juolludanlhákai ruhtadan-doarjaga bohccuid heahtebiebmama várás.

4 lohku

EU-oassáiruhtadan ovddidandoaibmabijut dálanguovllu várás

17 §

Almmolaš ášsit

Go juolluduvvojít doarjagat Eurohpa Unionnna oassáiruhtadan ovddidandoaibmabijuide dálanguovllu várás (manjeleappos EU-oassáiruhtadan doarjja), de čuvvojuvvorit dán lága njuolggadusat dakko bokte go ášši birra ii leat mearriduvvon Eurohpa Ovtastumi ásahusain dahje daid vuodul addojuvvon nannejumiin dahje mearrádusain. Láhka guoskaduvvo sihke Ovtastumi ja váldegottálaš ruhtadanossodahkii. Váldegottálaš ruhtadanossodat sáhttá leat sihke stáhta ja eará almmosservoša juolludan doarjja. Prógrámmain ja plánain sáhttet leat mielde maiddái dakkár doaib-mabijut, mat ruhtaduvvojít ollásit váldegottálaš ruðaiguin.

Dán logu mieldásaš doarjaga sáhttá juolludit, jos doarjunvuoláš ovddidandoaibmabidju lea váldo-

juvvon mielde prógrámmii, mii ruhtaduvvo Eu-rohpa Ovtastumi ruðaiguin, ja doaibmabidju deavdá prógrámmas dasa ásahuvvon eavttuid.

18 §

Boazodoallo- ja luondduealáhusfitnodagaid doarjun

EO:a dálanguovllu ovddidanásahusas oai-vvilduvvon doarjagiin sáhttá juolludit:

1) ásahusa 4-7, 30, 33 ja 45 artihkkala vuodul doarjaga boazodoalu ja luondduealáhusaid buvttadussii guoski ja buvttadandoaimma gáibidan beras- ja bargosuodjalainvesteremiidda ja investerenfitnuid plánengoluide;

2) ásahusa 8 artihkkala vuodul nuorra eanadoaliid álggahandoarjaga;

3) ásahusa 9, 33 ja 45 artihkkala vuodul doarjaga ámmálaš lasse- ja dievasmahtinskuvlemii;

4) ásahusa 25-28 ja 30 artihkkala vuodul doarjaga buktagiid ovddosdikšuma ja gávppašaneavttuid buorideami várás: ja

5) ásahusa 29, 32, 33 ja 45 artihkkala vuodul doarjaga dálanguovlobirrasiid vuogáidahtima ja ovddideami buorideami várás eará go 1-4 čuoggás oaivvilduvvon doaibmabijuid várás.

Dán logus oaivvilduvvon doarjaga sáhttá dár-bbu mielde juolludit maiddái ollásit váldegottálaš ruðain.

Ovdalis 1 momeantta 2 čuoggás oaivvilduvvon doarjja, mii lea oaivvilduvvon gittoapmodaga dahje dan oasi háhkamii, juolluduvvo earret doarjaga alimusmeari mudui seamma eavttuiguin go doarjja, mii juolluduvvo dán lága vuodul gittoopmodaga dahje dan oasi háhkama várás. Dán momeanttas oaivvilduvvon doarjagii guoskaduvvo, mii ruðaidsirdinlága 14 §:s (931/1996) mearriduvvo loana birra, mii juolluduvvo gittoapmodaga dahje dan oasi háhkama várás.

5 lohku

Ruhtadanvuogádagat

19 §

Doaimma ruhtadeapmi ja doarjjahámít

Dán lágas oaivvilduvvon ruhtadandoarjagii sáhttá geavahit stáhtabušeahdas ja 65 §:s oai-vvilduvvon doaibmabijuid hárrái eanadállodoalu ovddidancoandda geavahanplánas lágiduvvon ruðaid ja EU:a lágidan eará ruðaid.

Dán lága mieldásaš ruhtadandoarjaga sáhttá juolludit ruhtadoarjjan, stáhtaloanaid reantoov-

dun, reantofriddjavuhtan, oanádusaid friddjajagiid hámis ja loanaid reandodoarjjan (juolluduvvo ruhtalágádusaid ruðain) ja dasa lassin 20 §:s oai-vvilduvvon friddjavuhtan leat hágakeahttá lotnii dáhkádusa dahje vealgeordnemiidda guoski doarjjan.

Loatnaoažžus ii berrojuvvo reantu dan áiggis, mas reanttuid máksimis lea miedihuvvon reantofriddjavuhta.

20 §

Dáhkádusat

Stáhtaloanas galgá loana loktedettiin leat bájkodoaimmas dábálaččat geavahuvvon dáhkádus, jos bargofápmo- ja ealáhusguovddáš ii leat luoitán dáhkádusa háhkamis.

Jos eará go lotnii guoski doarjaga ohccin lea juoga eará go almmosvuoigatvuodalaš searvvuš, de sáhttá doarjaga juolludaneiseváldi gáibidit das dárbbu mielde dáhkádusa. Doarjaga juolludaneiseváldi mearrida dáhkádusa hámis. Ráððehusa ásahusain mearriduvvojít dárbbu mielde dárkilet mearrádusat das, goas dáhkádusa addimii lea dár-bu.

21 §

Stáhtaloanat ja daid reantu

Ruhtalágádusat sáhttet juolludit loana Eana- ja meahccedoalloministerija lágidan eanadállodoalu ovddidanfoandda ruðain (*stáhtaloanat*).

Stáhtaloana ollesreantu lea čujuhanreantu ja dasa boahtti proseantaovttadatmeari submi. Loatnaoažžu galgá máksit loanas guoskevaš reantu vihtta proseantaovttadaga vuolit reantu, goittot uhcimustá guovtte proseantta jahkásáš reantu. Čujuhanreantuun, fásta proseantaovttadatmearis mii lasihuvvo čujuhanrentui, reantoovdui ja reantofriddjavuhtii gulli doarjaga rehkenastimis, friddjajagiid ja reantofriddjavuða alimusmeriin ja dasa lassin dárbbu mielde lotnii gulli doarjaga alimusmeriin mearriduvvo ráððehusa ásahusain.

22 §

Stáhtavástu

Stáhtas lea ovddasvástádus ruhtalágádussii dán lága vuodul juolluduvvon stáhtaloanaid dain oai-veopmodaga ja reantu loahpalaš massimiin, mat bohtet velggolačča máksinnávccahisvuodas dakkó bokte go loana dáhkádusain eai čoggo dan maðde ruðat ahte daiguin sáhttá gokčat daid

oanádusaid ja reanttuid, mat leat báhcán másse-keahttá stáhtaloanas.

Stáhtavásttu fámusleahkima eaktun lea ahte ruhtalágádus fuolaha loanas dán lága ja dan vuodul addojuvvon njuolggadusaid ja mearrádusaid mielde nu, ahte čuovvu buori bájkovieru. Loana juolludan ruhtalágádus lea maiddái geatnegahttojuvpon bearráigeahččat stáhta ávkki ja váldit vuhtii Eana- ja meahccedoalloministerija mearrádusaid, go loana dáhkádussan adnojuvpon opmodat muhtjuvvo ruhtan eaktodáhtolaš vealgeordnemis, bággo-vuovdimis dahje reastaluvvanmeannudeami okta-vuodas.

Eaktodáhtolaš vealgeordnema dahje dansulla-saš eará ordnema dahje loana dáhkádussan adnojuvpon opmodaga eaktodáhtolaš muhttima ruhtan nu, ahte loana ruovttoluottabearran šaddá vára vuollai, oažžu dahkat dušše bargofápmo- ja ealáhusguovddáža lobiin.

23 §

Buhtadusat, mat máksjuvvojít stáhtaloanain

Eana- ja meahccedoalloministerija mearrida oaiiveopmodaga ja reanttuid buhtadusas, mii máksjuvvo ruhtalágádussii stáhtavásttu vuodul. Ovdal buhtadusa nannema ministerija galgá čilget ahte velggolačča ja vejolaš dáhkideaddji máksinnávccahisvuodas boahtti loahpalaš massin lea gávn nahuvvon ja ahte massima ii sáhte gokčat ruðaiguin, mat fidnejuvvojít dáhkádussan adnojuvpon opmodaga vuovdimis. Dáhkádusa vuovdin ii goittot gáibiduvvo dalle, go velggolaš dahje loanas vásstolaš goalmmát olmmoš oažžu fitnodatsanemis dahje priváhtaolmo vealgeordnemis dahje eará dásullasaš ordnemis dahje dáhkádusvástu ordnemis doallat dáhkádussan adnojuvpon opmodaga. Buhtadusa máksá ruhtalágádussii Eana- ja meahccedoalloministerija diehtobálvalanguovddáš eanadállodoalu ovddidanfoandda ruðain.

Jos ruhtalágádus fidne buhtadusa máksima maŋŋá loatnaoažžus berrojuvvot čoggokeahttá báhcán oanádusaid ja reanttuid, de dat galgá ovddosmáksit daid Eana- ja meahccedoalloministeriji eanadállodoalu ovddidanfondii bajásmerkejuvvot. Eana- ja meahccedoalloministerija mearrida ruhtalágádussii máksjuvpon buhtadusa ruovttoluottabearrrama birra loatnaoažžus.

Buhtadusa massimiin sáhttá guođđit másse-keahttá dahje buhtadusa meari vuolidit, jos loatna ii leat dikšjuvpon dán lága dahje dan vuodul addojuvpon njuolggadusaid dahje mearrádusaid dahje buori bájkovieru mielde.

24 §

Buhtadusohcamiid giedahallanáigi ja buhtadus-aide guoski maajnonanreanttut

Eana- ja meahccedoalloministerijja galgá giedahallat stáhtalonii guoski buhtadusohcama golmma mánu sisa das, go ruhtalágádusa ohcan lea boahktán Eana- ja meahccedoalloministerijjai ja velggolačča ja vejolaš dákideaddji máksinnávcchaisvuodas boahtti loahpalaš massin lea gávnahuvvon. Jos buhtadusohcama čoavd-mii dárbašuvvo ruhtalágádusas lassečilgehus, de rehkenastojuvvo golmma mánu mearreáigi das, go Eana- ja meahccedoalloministerija bivdin lassečilgehusat leat addojuvvon ministerijjai. Jos giedahallan bistá badjel mearreáiggi, de stáhta lea geatnegahttojuvvon máksit badjelmanniáiggis maajnonanreanttu reantolága (633/1982) 4 §:a 3 momeanttas oaivvilduvvon reantodási mielde.

Loatnaoažus sáhttá bearrat ruhtalágádussi buhtadusohcama vuodul máksojuvvon buhtadusas jahkásaš reanttu reantolága 4 §:a 3 momeanttas oaivvilduvvon reantodási mielde. Dás galgá váldit merkema doarjjamearrádussii.

25 §

Stáhtaloana ovddosmáksin

Ruhtalágádus lea geatnegahttojuvvon máksit mávssekeahttá báhcán stáhtaloana oanádusaid ja reanttuid stáhtii dađe mielde ja dan sturrosažžan go loatnaoažut leat geatnegahttojuvvon máksit vealggiset ruhtalágádussii. Ovddosmáksimiid galgá máksit čieža bájkobeavvi sisa das, go loatna lea velggolačča ektui báhcán mávssekeahttá dahje velggolaš lea máksán badjelmearálaš oanádusa.

Ruhtalágádusa buhtadusohcama geažil addojuvvon Eana- ja meahccedoalloministerija mear-rádusa mieldásáš márssuid galgá máksit čieža bájkobeavvi sisa das, go ruhtalágádus lea ožzon mearrádusa diehtun.

26 §

Reantodoarjjaloanaid reantu

Ruhtalágádusa reantodoarjjaloanas bearran ollesreantu oažžu leat eanemustá dan reanttu sturrosaš, man bájku bearrá normálareantosaš lo-anain, mat juolluduvvoj seammalágán ulbmiliida dábálaš eavttuiguin nu, ahte daidda lasihuvvoj reantodoarjjaloanaid juolludeamis ja dikšumis bo-ahtti badjelmearálaš golut. Eana- ja meahccedoalloministerijjas lea vuogatvuohta leat dohkke-

keahttá loana reantodoarjjaloatnan, jos loana ollesreantu spiekasta ovdalis máinnašuvvon reant-tus.

Reantodoarjaga sturrodat, mii máksojuvvo lo-anas, lea njeallje proseantaovttadaga. Loatnaoažžu galgá goittot máksit uhcimustá guovt-te proseantta sturrosaš jahkásaš reanttu. Go reantodoarjaa nohká, de loatnaoažžu galgá máksit reant-tus ollesreantu sturrosaš reanttu. Reantodoarjja máksojuvvo mäddái dalle, go fitnodatsaneremii ja priváhaoibmo vealgeordnemii guoski ohcan lea guorahallojuvvomin. Reantodoarjja ii máksojuvvo daid lassegoluid hárrái, mat bohett olgoriik-kavaluhta mielde rehkenastojuvvon loana valuh-takurssaid molsašuvvamis.

Reantodoarjaga muhttimis ruhtadoarjjan ja ruhtadoarjagiid alimusmeriid birra mearriduvvo dárkileappot ráđdehusa ásahusain.

27 §

Loatnaaddimii guoski almmolaš njuolggadusat

Loanaid, mat juolluduvvoj ruhtalágádusaid bokte, loatnaáigi lea guhkimustá 30 lagi.

Ráđdehusa ásahusain mearriduvvo dárkileappot doarjjaohcamis dárbašlaš cealkámušain, loatnaruđaid loktemis, barggu barganaiggis, máksingeahpádusain, oanádusaid ja reanttuid bearramis, márssuid máksináigemearis, loatnasirdimiin, badjelmearálaš oanádusain ja daid väikkahuusas máksinláhkai boahtti oanádusaide, oaiiveopmoda-ga dáfus smávva oažžuma máksimis, stáhtaloanaid stáhtavásttu gávnnaheamis, loatnaeavttuid rievda-danmeannudeamis ja lága juolludeapmái ja dikšumii guoski eará meannuđemiin ja eavttuin.

Loana oažžu loktet, vaikko doarjaga juollud-a-neiseválddi mearrádus ii livčege vel ožzon lá-gafámu. Jos doarjaga mearri dahje doarjjaeavttut mearrádusa birra dahkkojuvvon vágida geažil nuppástuvvet, de loana mearri ja eavttuid galgá rievdadit vástidit vágidgii addojuvvon mearrádusa eavttuid. Ruhtalágádus ii goittot leat geatnegaht-tojuvvon rievdadit loatnameari stuorábun go lea dat mearri, man dat lea doarjjaohcamis guottihan. Reantodoarjjaloana eavttuid ii oaččo dahkkojuvvon vágida geažil almmá ruhtalágádusa lobi haga rievdadit.

28 §

Stáhtaloanaid ja reantodoarjjaloanaid ruhtajoh-tin

Ovdalis meroštallojuvvon guovddášruhtalágá-dus dahje ruhtadeami bálvalanfitnodat:

1) ovddosfuolaha stáhtaloanaid ja daid dikšunmávssuid ruhtalágádusaide;

2) ovddosfuolaha stáhtaloanaid oanádusaid ja reanttuid stáhtii;

3) vuolláičállá stáhta ja ruhtalágádusaide gaskasaš vealgegirjiid dárbbu mielde fápmudusa vuodul; ja

4) dingó reantodoarjjaloanaid reantodoarjaga stáhtas ja ovddosfuolaha daid ruhtalágádusaide.

Dán lága mieldásaš eaktodáhtolaš vealgeordnemis, fitnodatsanerema birra addojuvvon lága (47/1993) mieldásaš ordnemis ja priváhtaolbmo vealgeordnema birra addojuvvon lága (57/1993) mieldásaš ordnemis dahkkojuvvon nuppástusat stáhtalonii dahkkojuvvot maiddái ruhtalágádusa ja stáhta gaskasaš vealgái.

Eana- ja meahccedoallominsterija ásahusain sáhttá mearridit, goas

ruhtalágádusat sáhttet čadahit ovdalís mánnašuvvon doaimmaid almmá guovddášruhtalágádusa dahje ruhtadeami bálvalanfitnodaga haga.

29 §

Ruhtalágádusaide goluid buhtten

Ruhtalágádusaide máksojuvvo stáhtaloanaid dikšungoluin buhtadus, man sturrodagas ja máksi-neavttuin mearriduvvo ráđdehusa ásahusain.

Eana- ja meahccedoallominsterija mearrida stáhtaloana dikšumis ruhtalágádussi máksojuvvo, 1 momeanttas oaivvilduvvon buhtadusaid bearramis ruhtalágádusas ruovttoluotta muhtumassii dahje ollásit, jos ruhtalágádus ii leat dikšon stáhtaloana dán lága dahje dan vuodul daddjojuvvon vuogi dahje buori bájkovieru mielde. Ruovttoluottabearramii sáhttá, almmá ahte 43 ja 44 §:s daddjojuvvon ruovttoluottabearrannjuolggadusat dan hehttejít, álgit oppa loatnaáiggi áigge.

6 lohku

Vealgeordnemata

30 §

Stáhtaloanaid ja stáhta vuovdinhaddeoázžumiid eaktodáhtolaš vealgeordnen

Das beroškeahttá mii eará sajis mearriduvvo, sáhttá bissovaš ekonomalaš váttisvuodaide gártan loatnaožui su ekonomalaš dili buorideami várás eaktodáhtolačcat ordnet stáhtaloanaid ja stáhta vuovdinhaddeoázžumiid.

Loatnaožju sáhttá geahččat gártan bissovaš ekonomalaš váttisvuodaide, jos son lea šaddan máksinnávccaheapmen dahje lea várra šaddamin máksinnávccaheapmen iige su máksinnávccaid sáhte bissovaččat máhcahit miedihemiin reantodoarjjaloanaid ja stáhtaloanaid oanádusmávssuide majideami dahje stáhtaloanaide reantofridja-vuoda dahje dakkár rudaiguin, mat leat fidnemis almmá ahte dat čuohcá ohcci fitnodatoaiveopmodagaide.

Eaktun vealgeordnemii lea ahte dan navdet sáhttit dovdomassii buoridit loatnaožju ekonomalaš dili. Iežas fitnodatdoaimma heaitán dahje heaitaleaddji loatnaožju velggiid sáhttá eaktodáhtolačcat ordnet dušše dalle, jos loatnaožju vistti doallama ii sáhte muđui dorvastit. Eaktodáhtolaš vealgeordnen ii hehtte searvamis fitnodatsanerema birra addojuvvon lága 97 §:s dahje priváhtaolbmo vealgeordnema birra addojuvvon lága 78 §:s oaivvilduvvon meannude-apmái.

Eaktodáhtolaš vealgeordnemis sáhttá guhkitit stáhtaloanaid ja stáhta vuovdinhaddeoázžumiid ruovttoluottamáksináiggi, vuolidit reanttu ja miedihit oanádusaid ja reanttuid máksimis máksinfriddjavuoda dahje majideami nugo ráđdehusa ásahusain dárkleappot mearriduvvo. Loatnaáiggi sáhttá erenoamáš mánnašuvvon siva dihte guhkitit badjel dan alimusloatnaáiggi, mii lea mearriduvvon 27 §:a 1 momeanttas.

Eaktodáhtolaš vealgeordnemis sohppojuvvon vealgegaskavuođaeavttuid nuppástusat gusket maiddái dákideaddjái, vealggis vásstolaš eará olbmui ja vealggis dákadusa ásahan olbmui. Dáid sajádagia ii oaččo almmá áššeopmahačča lobi haga heajosmahttit.

31 §

Eaktodáhtolaš vealgeordnema ráddjehusat

Jos eai gávdno erenoamáš sivat, de vealgeordnemis ii sáhte miedihit, jos ohccái lea juo ovdal miedihuvvon eaktodáhtolaš vealgeordnen.

Eaktodáhtolaš vealgeordnemis ii sáhte miedihit máksinfriddjavuoda stáhtaloana oanádusaide, jos loana dávvirdáhkádus dahje lotnii fitnodat- dahje eará dánsullasaš doaimmas addojuvvon dákadus dorvasta oanádusaid máksima. Erenoamáš mánnašuvvon sivaid dihte sáhttá máksinfriddjavuoda goittot miedihit nugo ráđdehusa mearrádusain dárkleappot mearriduvvo. Ohcama galgá dán dákáhusain lágidit Eana- ja meahccedoallominsterija čoavdinlákai.

Jos loatnaoažžu ii bargga šat ealáhusain, de sáhttá máksinfriddjavuoda goittot mearridit, almá ahte 2 momeanttas daddjojuvvon ágga dan hehtte, jos:

1) loatnaoažžu lea vuovdán dáhkádušan adnjuvvon opmodaga earret ássanvistti ja dasa gullieanaviidodaga;

2) loatnaoažžu illá navdet ceavzit loana ruovtto-luottamáksimis bissovaš bargonáccahisvuoda, guhkesággebargguhisvuoda, fuolahangeatnegas-vuoda dahje eará dásullasaš siva dihte; ja

3) máksinfriddjavuhta boahtá olesmearalaččat loatnaoažžu buorrin, almmá ahte buorida seammás eará velgoheaddjiid vuogatvuoda fidnet iežaset oažumiin mávssu.

Jos loatnaoažžui reantodoarjjaloana dahje eará loana juolludan velgoheaddjít eai bealisteaset searvva eaktodáhtolaš vealgeordnemii, de stáhtaloanaid sáhttá ordnet dušše erenoamáš siva dihte ja dainna eavttuin, ahte stáhtaloanaid ja stáhta eará oažumiid mássekeahes mearri lea uhci-mustá 60 proseantta loatnaoažžu buot velggiin.

32 §

Reantodoarjjaloanaid eaktodáhtolaš vealgeordnen

Boazodoalliide ja luondduealáhusbargiide dán lágá dahje eará njuolggadusaid dahje ráddhehusa ásahusa vuodul juolluvvont reantodoarjjaloanaid sáhttá eaktodáhtolaččat ordnet nugo 30 §:s mearriduvvo.

Reantodoarjjaloana reanttu ordnen vuolida loatnaoažžu máksin reanttu. Reantodoarjaga mearri rehkenastojuvvo vealgegirjeeavttuid mieldásash reanttu mielde. Vealgeordnema sáhttá čađahit, jos loatnaoažžu ja loana juolludan ruhtalágádus leaba ovttä oaivilis vealgeordnema eavttuin ja bargofápmo- ja ealáhusguovddáš lea addán lobi reantodoarjjaloanaid ordnemii.

33 §

Vealgeordnen soahpamuš

Bargofápmo- ja ealáhusguovddáš, velggolaš ja ruhtalágádus vuolláičállet ovttas soahpamuš stáhtaloanaid ja reantodoarjjaloanaid eaktodáhtolaš vealgeordnema ollašuhttimis. Soahpamuš dahká dušsin lotnii guoski vealgegirje- ja doarjjamear-ráduseavttuid.

Eaktodáhtolaš vealgeordnema eavttuin, meannudeamis ja čuovvumis mearriduvvo dárbbu mielde dárkileappot ráddhehusa ásahusain.

34 §

Eaktodáhtolaš vealgeordnema máhccan

Bargofápmo- ja ealáhusguovddáš sáhttá mearridit eaktodáhtolaš vealgeordnema máhccat, jos:

1) velggolaš lea vealgeordnema ozadettiin dahje meannudeami áigge ciegadan ordnemii dovdomassii váikkuheaddji ássiid dahje addán dánin málssolaš sajis boastto diedu ja velggolačča meannudeapmi lea leamaš soahpamuša eará oassebeliidi dáfus erenoamáš moaitteahtti; dahje

2) loatnaoažžu lea dovdomassii guoddán čuovo-keahttá soahpamuša almmá dohkálaš siva haga.

Eaktodáhtolaš vealgeordnen máhccá maiddái dalle, go duopmostuollu nanne loatnaoažžui fitno-datsanerema birra addojuvvon lága dahje priváthaolbmo vealgeordnema birra addojuvvon lága mieldásash máksinprogramma. Duopmostuollu gal-gá programma nannedettiin válít vuhtii eaktodáhtolaš vealgeordnemii gullan loanaid ja oažumiid daid eavttuid mielde, mat livčče galgan čuvvojuvvot almmá eaktodáhtolaš vealgeordnema haga.

Jos vealgeordnen lea mearriduvvon máhccat, de velgoheaddjis lea vuogatvuohat gáibidit mávssu oažumistis velggolaččas daid eavttuid mielde, mat livčče galgan čuvvojuvvot almmá vealgeordnema haga. Velggolaš ii goittot dárbbas máksit velgoheaddjái maŋŋonanreanttu vealgeordnema bistrináiggis, jos bargofápmo- ja ealáhusguovddáš ii vealgeordnema máhccama siva dihte nuppeláh-kai mearrit.

7 lohku

Eiseválddit ja čuovvun

35 §

Eiseválddit

Dán lága ollašuhttimis fuolahit Eana- ja meah-cedoalloministerija, Eana- ja meahccedoalloministerija diehtobálvalanguovddáš, bargofápmo- ja ealáhusguovddážat ja gielddaid dálonguvloe-aláhuseiseválddit.

Čáhcefuelahusdoarjagii guoskaduvvo, mii čáhcefuelahusdoaibmabijuid doarjuma birra addojuvvon lágas (56/1980) eiseválddiid doaibmaválddi birra mearriduvvo dahje guoskevaš ássiin ministriijdaid doaibmaválddi birra muđui mearriduvvo.

Lágá ollašuhttimii gulli teknihkalašláhkásaš bargguid juohkima birra sierra eiseválddiid gaskkas mearriduvvo dárkileappot ásahusain.

Ráddhehusa ásahusain sáhttá mearridit ahte dán lágá mieldásaš barguin sáhttá geavahit veahkkin earáge eiseválldiid go eanadoalloeiseválldiid.

Eana- ja meahccedoalloministerija mearrida, goas barguin sáhttá geavahit veahkkin šaddobuvttadusa dárkkistanguovddáža, šibitdoavtter- ja eallindárbašlágadusa ja Eana- ja meahccedoalloministerija vuollai gulli eará lágadusaid.

Ovdalis 4 logus oaivvilduvvon prográmma dahje fitnu ollašuhtima sáhttá addit gieldda, gielddalihtu dahje eará vuoigatvuodadoibaibmadohkálaš guovlluguovdasaš doaibmaorgána bargun nugo ráddhehusa ásahusain dárkileappot mearriduvvo. Guovlluguovdasaš doaibmaorgána lea vásttolaš stáhtii prográmma dahje fitnu ollašuhttimis ja dan várás juolluduvvon ruðaid geavaheamis.

Luondudilálašvuodaid dagahan bohccuid heahetbiebmamii guoski 9 §:a 2 momeantta 7 čuoggá ja 14 §:a 2 momeantta mieldásaš doarjaga atnuiváldimis mearriduvvo ráddhehusa ásahusain.

36 §

Ruhtadandoarjaga juolludeapmi

Ruhtadandoarjaga juolluda áššáigullevaš bargofápmo- ja ealáhusguovddáš.

Ovdalgo bargofápmo- ja ealáhusguovddáš mearrida ruhtadandoarjaga juolludeamis, de sáhttá ohcama birra háhkatt cealkámuša gieldda dálonguvloeiseválldis, ja goas ohcamis lea boazodalous jearaldat, de maiddái Bálgosiid ovttastusas. Dasa lassin galgá dárbbu mielde háhkatt cealkámuša maiddái eará ášshedovdidáfus, mii dovdá doaibmasuorggi, mainna ohcci bargá.

37 §

Bearráigeahčcan

Eana- ja meahccedoalloministerija geatnegasvuohant lea lágidit ruðaid geavaheami bearráigeahčcama nu, ahte dárbašlaš ruðaid geavahanja čuovvundieduid bokte sáhttá oaidnit, leatgo doarjaga juolludan- ja máksineavttut leamaš leahkimin ja leatgo doarjaga juolludan- ja máksineavttut čuvvojuvpon.

Eana- ja meahccedoalloministerija ásahusain sáhttá mearridit ahte bearráigeahčcamis geavahuvvojtit veahkkin bargofápmo- ja ealáhusguovddážat dahje eará háld dahussuorggi eiseválldit dainna eavttuin, ahte bargguid ja daid viidodaga birra sohppojuvvo sierra Eana- ja meahccedoalloministerija ja áššáigullevaš ministerija gaskkas.

Ráddhehusa ásahusain sáhttá dárkileappot mearridit stáhtadoarjaga, mii juolluduvvo eará fitno-

dahkii go ieš eanadállodoaluin bargi eanadállui, coggomma bearráigeahčcama birra.

38 §

Huksema bearráigeahččan

Huksema várás juolluduvvon ruhtadoarjagiid, reantodoarjaga ja stáhtaloanaid geavaheami bearráigeahčcama ja máksineavttuid gávnnaheami várás galgá dasa lassin, mii 39 §:s mearriduvvo, doallat huksenajis dárbašlažan gehčcojuvpon dárkkistemiid.

Dárkkisteamit dahkkojuvvojtit hukseheaddji goasttádusain nugo dárkkistemiid birra mearriduvvo eanageavahan- ja huksenlágas (132/1999) dahje dan vuodul addojuvvon njuolggadusain. Dárkkistami sáhttá dán lágas daddjojuvpon bearráigeahčcama várás dahkat maiddái bargo-fápmo- ja ealáhusguovddáža dohkkehan huksenbearráigeahčcaneiseváldi.

Huksenbearráigeahčcaneiseváldi dahje eará eiseváldi, man gielda lea nammadan dán doibmii, lea geatnegahttojuvpon maiddái eará dáhpáhusain leat veahkkin gieldda siste dán lága ollašuhttimis nu, ahte čaðaha ovddu ohcci goasttádusain huk-senguorahallamiid ja iežas doaibmasuorgái gulli eará bargguid.

39 §

Bearráigeahččan ruhtalágádusaid siste

Dán lága mieldásaš loanaid juolludeaddji ruhtalágádusat galget bearráigeahččat ahte loanat loktejuvvojtit dálonguvlooealáhuseiseválldi doarjja-mearrádusa mielde.

Loana juolludan ruhtalágádus lea geatnegahttojuvpon addit Eana- ja meahccedoalloministerijai spesifiserejuvpon bivdaga vuodul dakkár dieðuid, mat dárbašuvvojtit dan čilgema várás, leago loatnaohcci doarjaga dárbbus. Dat lea maiddái geatnegahttojuvpon addit Eana- ja meahccedoalloministerijai daid dieðuid ja dárkkistanlákai daid ášsegirijiid, mat dárbašuvvojtit dan gávnnaheami várás, leatgo loatnaeavttut ja EO-njuolggadusat, dát láhka ja dan vuodul addojuvvon njuolggadusat ja mearrádusat muðui čuvvojuvpon. Ovdalis máinnašuvpon dieðuidaddingeatnegasvuohata guoská maiddái dieðuide, mat galget dollojuvvet čiegusin.

40 §

Dárkkistanvuigatvuohtha

Eana- ja meahccedoalloministerijas ja bargo-fápmo- ja ealáhusguovddážis lea vuoigatvuohtha

ovddalgihtii almmukeahttá dárkkistit ruhtadoarjagiid, loanaid ja eará doarjagiid juolludeapmái, máksimii ja geavaheapmái guoski áššiid.

Ovdalis 1 momeanttas oaivvilduvvon bearráigeahčama čadaheami várás ministerijá sahttá mearrádusainis fápmudit nuppi eisevalldi dahje olggobeale ruhtadoallodárkkisteaddji čadahit iežas beales 1 momeanttas oaivvilduvvon doarjaga geavaheapmái guoski dárkkistemiid doarjaga ovddosfuolaheaddjiid ja juolludeaddjiid ja doarjaoažzuid birra. Ruhtadoallodárkkisteaddji galgá leat almmoshálldahusa ja -ekonomijá ruhtadoallodárkkistanlavdegotti dohkkehan ruhtadoallodárkkisteaddji (JHTT-ruhtadoallodárkkisteaddji) dahje ruhtadoallodárkkistansearvvuš (JHTT-searvvuš), Guovddášgávpegámmára dohkkehan ruhtadoallodárkkisteaddji (KHT-ruhtadoallodárkkisteaddji) dahje ruhtadoallodárkkistansearvvuš (HTM-searvvuš). Ruhtadoallodárkkisteaddji galgá dárkkistanbarggu čadahettiin čuovvut hálldahušmeannu danlága (598/1982) ja giellalága (148/1922).

Doarjaoažžu lea geatnegahettojuvvon nuvttá ovdanbuktit 1 ja 2 momeanttas oaivvilduvvon dárkkisteaddjiide buot dárbbashaš konto- ja eará ášsegirjiiid, maidda lohkojuvvorit maiddái automáhtalaš diehtogiedahallama dahje seammasullaš vuogi mielde dahkkojuvvon dahje vurkejuvvon västideaddji materiála, ja muđuige leat veahkin dárkkisteamis. Dárkkisteami vuollai sahttet gullat bearráigeahčanbarggu gáibidan viidodagas doarjaoažžu ruovttuealliliqvisttit, šaddadaneatnamat, buvttadan- ja ovddosdikšunlágadusat, vuorkkát, vuovdin- ja márkanastinlanjat ja eará dilálašvuodat, mat leat leamaš doarjaga juolludeami ja máksima eaktun. Dárkkisteami sáhtta guoskat sihke ieš doarjaoažžui ja doarjaga ovddosfuolaheaddjá. Dárkkisteami ii goittot oac̄o čadahit lanjain, mat gullet ruovtturáfi vuollai.

Ráđđehusa ásahusain sahttá dárbbu mielde addit dárkkilet njuołggadusaid das, mo 1 ja 2 momeanttas oaivvilduvvon dárkkisteami čadahuvvo teknihkalaččat.

Boleseisevalldit galget addit dárbbashaš virgeahki nuvttá 1 momeanttas ja 37-39 §:s oaivvilduvvon bearráigeahčamis.

41 §

Dieđuidoažžun ja čiegsindoallan

Dieđuidoažžumii ja čiegsindoallamii guoskduvvo, mii eisevalldi doaimma almmolašvuoda birra addojuvvon lágas (621/1999) mearriduvvo.

Das beroškeahttá mii priváhtaolbmo fitnodat dahje ámmátdoibmii, ruhtadollii dahje ekonomalaš sajádahkii guoski dahje vearyhusa várás addojuvvon dieđuid čiegsindoallamis dahje heaggadieduid suojis muđui mearriduvvo, lea dán lága ollašuhtineisevalldiin vuogatvuohta oažžut eará eisevalldiin dárbbashaš dieđuid priváhtaolbmo dahje servoša ekonomalaš sajádagas, gávpe- ja ámmátčiegsusuodas dahje priváhtaolbmo persovnnalaš dilis.

Doarjaga juolludaneisevaldi sahttá dasa lassin gáibidit ahte doarjaga ohci dahje oažžu addá dearvvavsuodadilistis doaktárdudaštusa dahje eará čilgehusa dakko bokte go das lea mearkkašupmi ealáhusain bargama dáfus ja dákkár čilgehusa bivdimii guoskevaš dáhpáhusas muđui orru dárbu.

42 §

Čiegsisin doallat oaivvilduvvon dieđuid luohpadeapmi

Čiegsisin doallat oaivvilduvvon dieđuid luohpadeapmái guoskaduvvo, mii eisevalldi doaimma almmolašvuoda birra addojuvvon lágas mearriduvvo.

Dasa lassin mii eisevalldi doaimma almmolašvuoda birra addojuvvon lágas mearriduvvo čiegsisin doallat oaivvilduvvon dieđuid luohpadeamis, lea dán lága ollašuhtineisevalldiin čiegsindoallangeatnegasvuoda hehttekeahttá vuogatvuohta luohpadit dieđuid priváhtaolbmo dahje servoša ekonomalaš sajádagas, gávpe- ja ámmátčiegsusuodas dahje priváhtaolbmo persovnnalaš dilis:

- 1) stáhta ja gieldda eisevalldiide dán lága mieldásas doaimmaid čadahamei várás; ja
- 2) alaguoddi-, boles- ja tuolloeisevaldai rihkkosa čilgema várás.

Dán lága ollašuhtineisevalldiin lea čiegsindoallangeatnegasvuoda hehttekeahttá vuogatvuohta luohpadit maiddái Eana- ja meahcce-doalloministerijai ja Eurohpa Ovtastumi áššáigullevaš doaibmaorgánaide luohpadanláhkai dieđu, mii muđui galgá dollojuvvot čiegsisin, muhito masa lea dárbu, go bearráigeahčojuvvo ahte Eurohpa Ovtastumi láhkamearrádusat leat čuvvovjuvvon doarjaga juolludettin, man ruhtadeamis Ovtastupmi lea leamaš mielde.

8 lohku

Ruovttoluottabearran

43 §

Doarjaga ruovttoluottabearran doarjjaoazžus

Dán lága vuodul juolluduvvon doarjaga máksin loahpahuvvo ja doarjaa mearriduvvo muhtumassii dahje ollásit ruovttoluotta berrojuvvot, jos doarjaga lea geavahuvvon eará ulbmili go masa dat lea juolluduvvon dahje doarjjaoazžu lea addán boastto dieduid, mat leat váikkuhan dovdomassii doarjaga juolludeapmái dahje máksimii, dahje lea muđui meannudan vearálačcat.

44 §

Guorahallanvuoláš ruovttoluottabearran

Doarjaga máksima sáhttá heaitit 43 §:s daddjuvvon ákkaid lassin ja dan sáhttá mearridit muhtumassii dahje ollásit ruovttoluotta máksojuvvot, jos:

1) doarjaga dahje loatna lea juolluduvvon dahje máksojuvvon boastto ákkaiguin;

2) doarjjaoazžu lea viđa jagi sisa ruhtadoarjaga majimuš eari máksimis dahje loana majimuš eari loktemis almmá bákkolaš siva haga heitán doarjunvuoláš doaimma dahje dovdomassii gáržidian dan;

3) doarjjaoazžu lea doarjaga majimuš eari máksima dahje loana majimuš eari loktema čuvvovaš viđa jagi áigge almmá bargofápmo- ja ealáhusguovddáža dálonguovołossodaga lobi haga luohpadan doarjunvuoláš opmodaga eará go árbevuigatvuodałaš oažzuma bokte olbmuı, gii ii deavdde doarjaga juolludaneavttuid;

4) loanain ruhtaduvvon dálлу dahje dan oassi uvvodujuvvo olggosmihtidandoaimmaiguin;

5) rabas fitnodatsearvvi, kommandihtasearvvi, ossodatgotti dahje oasussearvvi, mii bargá boazo-doaluin dahje luondduealáhusain, oamastang-askavuođat rivdet eará go árbevuigatvuodałaš oažzuma bokte nu, ahte fitnodaga ii sáhе šat dán lága njuolgadusaid mielde atnit doarjundoh-kálažjan;

6) oktiisearvan biedgana ovdalgo guhtta jagi leat gollan doarjaga juolludeamis;

7) doarjjamearrádusas dahje doarjaga vuodđun leamaš ášsegirjjis ásahuvvon eavttut eai leat válđojuvvon vuhtii;

8) doarjjaoazžu biehttala addimis dárkkis-teaddjiide, geat leat dárkkisteamen dán lága mielde doarjaga oažzumii dahje bearráigeahčamii

guoski dieđuid dahje kontoo- dahje eará ášsegirjiid, dahje biehttala veahkeheames doarvái bures dárkkistanbarggus:

9) dáhkádusa árvu lea ohccis sorjasmeahttun sivaid dihte dan made ollu njedjan ahte dan oai-veopmodaga, mii loanas lea vel mávssekeahttá, bearran šaddá vára vuollai;

10) reanttu dahje oanádusa máksin lea maŋŋonan guhkit go golbma mánu;

11) jos loatnaoažžu dahje dáhkideaddji lea reastaluvvan dahje jos dáhkideaddji lea jápmán iige loatnaoažžu leat, vaikko lea ávžuhuvvon, ásahan loatnaaddi dohkkehan doarvái buori dáhkádusa; dahje

12) Eurohpa Ovtastumi njuolgadusain dát gáibiduvvo.

45 §

Ruovttoluottabearrama doaibmaváldi

Eana- ja meahccedoalloministerija mearrida iežas juolludan doarjagiid ruovttoluottabearramis ja daid máksima heitimis. Muđui doarjaga ruovttoluottabearramis ja máksima heitimis mearrida bargofápmo- ja ealáhusguovddáž. Ráddheusa ása-husain sáhttá dárbbu mielde mearridit das, man áiggi sisa doarjaga galgá bearrat ruovttoluotta. Doarjaga ii oaččo bearragoahit ruovttoluotta das maŋŋa, go logi jagi leat gollan doarjaga majimuš eari máksimis.

Ruhtalágádus sáhttá eretcealkit reantodoarjaj-loana dalánaga ruovttoluotta máksojuvvot, jos reantodoarjaja lea 43 §:s máinnašuvvon ákkaiguin mearriduvvon loahpahuvvo. Ruhtalágádus galgá eretcealkit stáhtaloana, go bargofápmo- ja ealáhusguovddáža dálonguovołossodat lea lágalačcat mearridan loana eretcelkojuvvot. Ruhtalágádus sáhttá eretcealkit sihke stáhtaloana ja reantodoarjajloana, jos gávdnojít 44 §:a 9-11 čuoggás máinnašuvvon eavttut.

46 §

Vástu ruđaid máhcaheamis dihto dáhpáhusain

Jos stáhta lea Eurohpa Ovtastumi oktasaš eana-doalopolitiikkii dahje struktuvrafoanddaide guoski láhkamearrádusain oaivvilduvvon lahttoriikka vásttu vuodul geatnegahttojuvvon máksit Eurohpa ovttastumiid kommišuvdnii ruovttoluotta EO-ruđaid, de doarjaga ovddosfuolaheaddji lea geatnegahttojuvvon máksit stáhtii dan meari, man dát lea máksán kommišuvdnii, ollesmearálažjan oktan goluiguin, jos ruđaid ruovttoluottamáksin

lea boahtán ovddosfuolaheaddji boastto meannudeamis dahje jos ovddosfuolaheaddji lea prográmmaášsegirjji vuodul njuolgga vásttolaš kommišuvdnii ruðaid geavaheamis. Rudaid máhcaheamis mearrida Eana- ja meahccedoalloministerija.

47 §

Doarjaoažžu almmuhangeatnegasvuohta ja ovdadiehtu

Doarjaoažžu galgá farggamusat almmuhit doarjaga juolludeaddjái, jos dilálašvuodat leat rievdan nu, ahte doarjaga sahttá šaddat dan geažil bearrat ruovttoluotta dahje loahpahit dahje stáhtaloana ertcealkit.

Doarjaoažžui sahttá bivdaga vuodul addit čadni ovdadieđu das, dagahago plánejuvvon doabmbidju 1 momeanttas oaivvilduvvon čuovvumuša. Seammalágan ovdadieđu sahttá addit maiddái ovdal dán lága fápmuiboahima áigge fámus leamaš láhkamearrádusaid mieldásáš stáhtaloanaaid, vuovdinhaddeoažžumiid, ruhtadoarjajid ja eará doarjagiid hárrái. Ohcamis galgá almmuhit spesifiserejuvvon hámis ássi, mas háliiduvvo ovdadiehtu, ja ovdanbuktit ássi čoavdimavárás dárbašlaš čílgehusa. Ovdadiehtu ii addojovo, jos ohcan ássis lea guorahallojuvvomin dahje ássi lea eiseválldi doaimma geažil čovdojuvvon. Ovdadieđu addá doarjaga juolludaneiseválđi.

48 §

Ruovttoluottabearrama ja eretcealkima čuovvumušat

Jos doarjaoažžu lea meannudan 43 §:s daddjojuvvon vuogi mielde, de sahttá

ruovttoluotta bearrat mearriduvvon meari bajid eanemustá 20 proseanttain dahje, jos lea meannudan oalle roavvásit, de eanemustá 100 proseanttain.

49 §

Ovttasvástu ruovttoluottamáksingeatnegas-vuodas

Jos doarjja lea juolluduvvon oktasaččat eanebuidda, de leat buot doarjaoažžut ovttas vásttolaččat doarjaga máhcaheamis stáhtii. Doarjaoažžuid gaskkas vástu juohkása dađe mielde, man viidát iešguhtege lea leamaš mielde doaimmas, mii lea leamaš doarjaga máhcahangeatnegasvuoda vuodđun.

50 §

Ruovttoluotta máksit mearriduvvon meari reantu ja majjnonanreantu

Ruovttoluotta bearrat ja máhcahit mearriduvvon ruhtadoarjajii, reantobuhtadussii ja loatnadikšungoluid buhtadussii ja eretcelkojuvvon stáhtalotnii galgá máksit reantolága 3 §:a 2 momeanttas oaivvilduvvon reantodási mielde reanttu nu, ahte dat bajiduvvo golmmain proseantaottadagain mávssu máksinbeaivvis dan ruovttoluottamáksinbeaivvi rádjai. Jos máhcahit mearriduvvon mearri ii máksojuvvo ásahuvvon earrebeaivve, de dasa galgá máksit jahkásaš majjnonanreantu reantolága 4 §:a 3 momeanttas oaivvilduvvon reantodási mielde.

Eana- ja meahccedoalloministerija sahttá ere-noamás siva dihte mearridit ahte 1 momeanttas oaivvilduvvon reantu guddojuvvo muhtumassii dahje ollásit bearakeahtá, jos doarjaoažžu meannudeapmi lea dáhpáhuvvan geahppudeaddji dilálašvuodaid siste dahje su eallindilli lea boaresvuoda, buohcuvuoda, bissovaš bargonávccahisvuoda, stuorra ekonomalaš váttisvuodaid dahje eará seammalágan siva dihte dakkár ahte reanttuid ii fidneše ruovttoluotta berrojuvvot.

51 §

Doarjamearráduseavttut

Dán lágas mearriduvvon doarjaga máksin- ja ruovttoluottamáksinákkaid galgá válđit doarjamearrádusa eaktun. Doarjamearrádussii sahttá válđit dasa lassin maiddái eará teknihkalaš-láhkásáš eavttuid doarjaga máksimis ja ruovttoluottamáksimis dađe mielde, go EO-ásahusain dahje kommišuvnna mearrádusain gáibiduvvo dahje ráđđehusa ásahusas mearriduvvo.

52 §

Oažžumiid bearran

Ruovttoluottabearramii guoski mearrádusa sahttá olggosváldindoaimmaiguin ollašuhttit das majnjá, go mearrádus lea ožžon lágfámu.

53 §

Vealgegirjeeavttut

Vealgegirjjiide galgá válđit 43 ja 44 §:a mieldásáš eavttuid doarjaga ruovttoluottabearramis. Vealgegirjjiide sahttá ásahit eretcealkima ja vealgegirjjis máinnašuvvon eretcealkinreantu

máksima áitagiin čuovvunlákai earáge eavttuid, mat gusket dálú dahje eanaviidodaga geavaheapmái, stáhtaloana bearrama dorvasteapmái, loana geavaheapmái ja eará dárbašlažjan gehččojuvvon eavttuide.

9 lohku

Diehtunaddin ja nuppástusohcan

54 §

Mearrádusa diehtunaddin

Mearrádusa, man bargofápmo- ja ealáhusguovddáš lea addán doarjagii dahje máksingeahpádussii guoski ohcama birra, oažju doaimmahit ohccái diehtun poastta mielde dábálaš reiven. Diehtunaddin gehččojuvvo dalle dáhpáhuvvan, jos ii nuppeláhkai boade oidnosii, čihčet beavve das maŋŋá, go mearrádus lea biddjojuvvon postii.

Mearrádusa diehtunaddimis eará dáhpáhusain čuvvojuvvo, mii diehtunaddima birra hálldahusáššiin addojuvvon lágas (232/1966) mearriduvvo.

55 §

Nuppástusohcanvuuoigatvuohtha

Áššeopmaš oažju ohcat nuppástusa bargofápmo- ja ealáhusguovddáža mearrádussii, man dat lea dahkan dán lága vuodul, váidimiin dálouguvloeláhusaid váidinlávdegoddái 30 jándora sisas das, go son lea ožzon diedu mearrádusas.

Meahcceráđđehusa lohpemearrádussii ohccojuvvo nuppástus dálouguvloeláhusaid váidinlávdegotti birra addojuvvon lága (1203/1992) 1 §:a mielde.

Eana- ja meahccedoalloministerija mearrádussii oažju ohcat nuppástusa nugo nuppástusohcama birra hálldahusláhkageavahanlágas (586/1996) mearriduvvo.

56 §

Nuppástusohcanmeannudeapmi

Váidinreivve sáhttá doaimmahit nuppástusohcaneiseváldái dahje dan bargofápmo- ja ealáhusguovddážii, man mearrádussii nuppástus ohccojuvvo. Bargofápmo- ja ealáhusguovddáš galgá sáddet váidinreivve ja áššis čoggon ášsegirjjiid ja iežas cealkámuša váidagis dálouguvloeláhusaid váidinlávdegoddái.

Eana- ja meahccedoalloministerija mearrádussii guoski váidaga sáhttá doaimmahit njuolggá Alimus hálldahusriektái.

57 §

Nuppástusohcan dálouguvloeláhusaid váidinlávdegotti mearrádussii

Dálouguvloeláhusaid váidinlávdegotti mearrádussii áššis, mii guoská doarjaga ruovttoluotta-bearramii dahje loahpaheapmái, loana eretcealkimii, eaktodáhtolaš vealgeordnema máhccamii dahje sierra ovduu eretgeassimii, oažju ohcat nuppástusa váidimiin Alimus hálldahusriektái nugo hálldahusláhkageavahanlágas mearriduvvo. Muđui dálouguvloeláhusaid váidinlávdegotti mearrádussii oažju ohcat nuppástusa váidimiin Alimus hálldahusriektái dušse dalle, jos Alimus hálldahusriekti miediha váidinlobi.

Váidinlohipi sáhttá miedihuvvot, jos:

1) lága guoskadeami dáfus eará seammalágan dáhpáhusain dahje riektegeavvama ovttaláganvuoda dihte lea dehálaš fidnet ášši Alimus hálldahusrievtti čoavdinláhkai;

2) lea erenoamás sivva fidnet ášši Alimus hálldahusrievtti čoavdinláhkai, go ášši giedahallamis sáhttá dáhpáhuvvan juoga boasttuvuohtha; dahje

3) váidinlobi miediheapmái gávdno eará mávsolaš sivva.

10 lohku

Sierra njuolggadusat

58 §

Vuovdinhatti ja loanaid reanttu dárkkisteapmi

Jos ovdal odđajagimánu 1. beaivve 1996 šaddan stáhta vuovdinhaddeoazuma dahje boazodállolága (590/1969), luondduealáhuslága (610/1984) dahje boazoekonomijjalága (161/1990) vuodul juolluduvvon stáhtaloana reantu berrojuvvo badjel bealgoalmmat proseantta sturrosaš jahkásaš reantu, de reantu lea skábmamánu 1. beaivvis 1996 juovlamánu 31. beaivá 2001 goittotge bealgoalmmat proseantta. Visteloanaid reantu berrojuvvo duon áigodagas eanemustá njealje proseantta sturrosaš jahkásaš reantu. Jagi 2002 álggu rájes reanttu sáhttá almmolaččat dárkkistit eanemustá guvttiin proseantaovttadagain nu, ahte dárkkistuvvon reantu vástida loana juolludeami maŋŋá almmolaš reantodásis dáhpáhuvvan nuppástusaid. Vuovdinhatti ja loanaid reanttu almmolaš dárkkisteamis mearrida ráđđehus.

59 §

Buhtadusat

Dán lágas oaivvilduvvon doaimmaid dikšumis gildii boahtti goluin ii máksojuvvo stáhta rúdain eará go stáhtaossodatlágas (1147/1996) mearriduvvon buhtadus.

Mávssuid, mat máksojuvvojít bagadallan-organisašuvnnaide, ákkaid birra mearriduvvo dárbbu mielde Eana- ja meahccedoalloministerijia ásahusain. Dalle go jearaldat lea ovttaskas dáhpáhusaide guoski bearráigeahčan- ja ruovttoluotta-bearrandoaimmain, de stáhta eiseválddit leat geat-negahttojuvvon veahkehit Eana- ja meahccedoal-loministerija ja dan vuolláša eiseválddiid nuvttá.

60 §

Giedahallanmávssu bearran

Dán lágá vuodul addojuvvon mearrádusain ber-juvvo máksu nugo mávssuid bearramis sierra mearriduvvo. Mearrádusaid bargofápmo- ja ealáhusguovddáža vealgeordnemis ja loanaide guoski eará máksingeahpádusain ja doarjaga juol-ludeamis oažju goittot nuvttá. Mearrádusaid veal-geordnemis ja loanaide guoski eará máksin-geahpádusain oažju nuvttá maiddái dálguov-loealáhusaid váidinlavdegottis.

61 §

Bánten

Dálu gidden ja bánten vealggi máksima dáh-kádussan ja olggosmihtideapmi ja bággovuovdin leat lobálačcat.

62 §

Sierra ovddut

Luondduealáhusbargis, gii oamasta dahje muđui hálddaša ja ássá luondduealáhusdálu dahje lasseatnama addima bokte vuodđuduvvon dálu dahje dálu, man háhkan ja huksen lea dorjojuvvon dán lágá dahje ovdal dán lágá fápmuiboahtima fámus leamaš lágá vuodul, lea almmá sierra buhtadusa haga vuogatvuhta stáhta eana- ja čáhgeuvlluin:

1) cegget Meahcceráddhehusa lohpemearrádus-ain doarjjabáikki meahccreibvdu várás ereno-amáš mávssolaš sivaid dihte dahje doarjjabáikki guolástusa várás ja dasa lassin guollekealláriid ja

vuorkkáid ealáhusain bargama dáfus vealta-meahttun sajiide guolástanealáhusa dáfus mearkkašahtti čáziid lahkosiodda; ja

2) guodohit omiid ja čohkket daidda fuoddara, lasttaid, luktiid ja jávrehoašsaid.

Ovdalis 1 §:a 1 momeanttas máinnašuvvon lobi sáhttá addit dušše dalle, jos áššaigullevaš vistti ceggema sáhttá atnit luondduealáhusain bargama dáfus vealtameahttumin. Bargofápmo- ja ealáhus-guovddáš addá cealkámuša doarjjabáikki dárbašlašvuodas.

Meahcceráddhehusa sáhttá, go bargofápmo- ja ealáhusguovddáš lea addán áššis cealkámuša, eretgeassit addojuvvon sierra ovddu, jos ovddu ii sáhte šat atnit luondduealáhusain bargama dáfus dárbašlažjan.

63 §

Čujuhannjuolggadus

Dán lágá ollašuhttimis čuvvojuvvojít heivvolaš osiin, mii lága (1336/1992) (láhka meannudeamis, mii čuvvojuvvo dálguovloeláhusaid doarjjado-aimmaid divšodettiin) 4 §:s ja 6 §:a 1 momeanttas mearriduvvo.

64 §

Dárkilet njuolggadusat

Ráddhehusa ásahusain sáhttá dárbbu mielde ad-dit dán lágá dárkilet njuolggadusaid áššiin, mat leat Eurohpa Ovtastumi ásahusain guđđojuvvon lahtoriikkaid mearridanláhkai.

Eana- ja meahccedoalloministerija addá dán lágá ja ráddhehusa ásahusa dárkilet ásahusaid doar-junvuoláš doaibmabijuid dohkálaš goluin, doar-junvuoláš ollesinvesteremiid alimusmeriin, fitnu dahje doaibmabiju ollašuhttináiggis, doarjaga sir-dimis ja dárbašlaš máksinnávccalašvuoda-, gán-náhan- ja eará árvvoštallamiid, dálguovlofitno-dagaid ovddidanplánaid ja vealgeordnensoahpa-mušaid dahkanvuogis. Eana- ja meahccedoallo-ministerija nanne dasa lassin vealgegirje-, ohcan-, soahpamuš- ja mearrádusminstariid ja mearrida ohci iešgoasttidanossodaga vealgeord-nenplánas ja addá dárkilet mearrádusaid, mo go-luid buhttemiin meannuduvvo.

Eana- ja meahccedoalloministerija ásahusain sáhttá addit maiddái dárkilet mearrádusaid doarjaga ohcan- ja juolludanmean nudeamis ja máksin-mean nudeamis dahje loanaid ja doarjagiid dikšumií guoski vurken-, čuovvun- ja bearráigeahčan-vuogádagaid teknihkalaš ovttaskasčuoggáin.

65 §

Eanadállodoalu ovddidanfoandda ruðaid geavaheapmi

Eanadállodoalu ovddidanfoandda ruðaid sáhtá dasa lassin, mii daid geavaheamis lea ovdalis mearriduvvon, geavahit:

- 1) eatnama ja eará opmodaga háhkamii;
- 2) háhkkojuvvon opmodaga dikšumii ja ordne-mii;
- 3) loatnaaddimis boahtti dikšunmávssuide ja eará goluide;
- 4) dán lágá mieldásáš doarjjadoibmabijuide ja stáhtaloanaide;
- 5) boazodoalu ja luondduealáhusaid ovddidan-doibmii guoski dutkamiid ja čilgehusaid dahka-mii; ja
- 6) boazodoalu ja luondduealáhusaid ovddidan-fitnuid doarjumii.

Eanadállodoalu ovddidanfoandda ruðaid sáhtá geavahit maiddái dasa ahte čilgejuvvo, mo boazo-dallo- ja luondduealáhusfitnodagaid doaibmave-jolašvuodáid sáhtá dahkat máŋggabealageabbon ja fitnodatbargiid dahje fitnodatbargin áigu olb-muid skuvlema ordnet. Dán ulbmila várás sáhtá ruðaid lágidit maiddái bargofápmo- ja ealáhus-guovddáža dálonguovloossodahkii, mii sáhtá juohkit daid ovddosgovlui gielldaid atnui.

Eanadállodoalu ovddidanfoandda ruðaiguin sáhtá máksit márssuid ja buhtadusa dain goluin, mat bohtet eaktodáhtolaš vealgeordnenmeannudeamis.

11 lohku

Mearreáiggi fámus leahkki doarjagat

66 §

Ealáhusdoaimmas ja vistehákamis boahtán stáhtaoažzumiid mearreáigásaš máksinfriddjavuhta

Beroškeahttá das mii eará sajis mearriduvvo, sáhtá erenoamáš ekonomalaš váttisvuodaide gártan loatnaoažju ekonomalaš dili buorideami várás juolludit mearreáigásaš máksinfriddjavuoda ealá-husain bargamis boahtti stáhtaoažzumiid ja vis-tehákamis boahtti stáhtaloanaid ordnema várás juovlamánu 31. beaivvi 2000 rádjai boahttán ohca-ma vuodul nugo ráððehusa ásahusain dárkileappot mearriduvvo.

Mearreáigásaš máksinfriddjavuða sáhtá ollašuhitt nu, ahte medihuvvo mássekeahttá

báhcán oanádusaid ja mássekeahttá báhcán reanttuid máksimis máksinfriddjavuhta. Loana oaineopmodaga hárrái máksinfriddjavuoda mearri sáhtá leat goittot eanemustá 40 proseantta mássekeahttá báhcán oanádusa mearis ja reanttuid hárrái máksinfriddjavuoda mearri sáhtá leat eanemustá 80 proseantta. Ovdalis mánnašuvvon guoská maiddái daidda oanedan- ja reantoeriide, maidda leat medihuvvon máksinmajideamit 1.11.1996-1.5.1999.

Loatnaoazžu sáhtá geahčat gártan erenoamáš ekonomalaš váttisvuodaide, jos son lea šaddan dahje lea várra šaddamin máksinnávccaheapmen iige su máksinnávccaid sáhte máhcahit medihemiin reantodoarjjaloanaid ja stáhtaloanaid oanádusmávssuide majideami dahje stáhtaloanaide reantofriddjavuoda dahje dakkár ruðaiguin, mat leat fidnemis almmá ahte dat čuo-hcá ohcci fitnodatoiveopmodagaide.

Eaktun mearreáigásaš máksinfriddjavuhtii lea ahte dan navdet dovdomassii buoridit loatnaoazžu ekonomalaš dili ja ordnema bokte ealáhusdoab-ma fas gánnáhišgohtá. Dasa lassin gáibiduvvo ahte mássekeahttá báhcán oaineopmodat- dahje reantomávssut leat šaddan ovdal miessemánu 1. beaivvi 1999. Mássekeahttá báhcán márssuid, mat leat šaddan ovdal čakčamánu 10. beaivvi 1993, ii goittot sáhte ordnet dán paragráfa vuodul.

Fitnodatdoaimma heitán dahje heitaleaddji velggolačča loanaid sáhtá ordnet duše dalle, jos velggolačča vistti seailuma ii sáhte mudui dorvastit, ja dalle ordnen sáhtá guoskat duše vistelo-anaide. Dasa lassin loatnaoazžus gáibiduvvo ahte sus leat doarvái ruhtavárit ceavzit visteloana reasta máksimis máksinprógrámma mielde.

67 §

Mearreáigásaš máksingeahpádus reantodo-arjaloatnan ja dákhdussan

Visteloanaid ja ealáhusain bargamii guoski loanaid, maid ruhtalágádusat leat juolludan márkan-reantoeavttuigui boazodoalliide ja luondduealá-husbargiid, dagahan erenoamáš ekonomalaš váttisvuodáid stáðásmahitta várás sáhtá juolludit stáhta ruðain reantodoarjaga ja stáhtadáh-kádusaid juovlamánu 31. beaivvi 2000 rádjai boahttán ohcamiid vuodul nugo ráððehusa ásahusain dárkileappot mearriduvvo. Dát guoská maiddái ovdalis mánnašuvvon loanaide guoski márssuid.

Ruhtalágádusat sáhtet juolludit reantodoarjaloana iežas vistti ja ealáhusain bargama várás vál-dojuvvon bájkoloanaid, mat leat juolluduvvon dábálaš eavttuigui, máksimii, ja vearro- ja eará

goluid máksimii dakkár loanaid ja mágssuid hárái, maid mágsskeahattá báhcán oaiveopmodat-dahje reantomávssut leat šaddan ovdal miessemánu 1. beaivvi 1999.

Eaktun mearreágasaš máksingeahpádussii lea ah te dan navdet dovdomassii buoridit loatnaoažžu ekonomalaš dili ja ordnema bokte ekonomalaš dilli máhccá dakkárin ah te ealáhusdoaibma fas gánnáhišgoahtá.

Stáhtadáhkádus sáhttá gokčat eanemustá 80 proseantta loana ollesmearis. Dáhkádussii galgá hákhat normála bájkodoaimmas adnojuvvon dáhkádusa, mii ii dárbaš leat dorvvasteaddji. Stáhta miedihan dáhkádussii guoskaduvvojít hei-volaš osiin dálónguovloaláhusaid ruhtadanlága (329/1999) 32-34 §.

68 §

Ášši čoavdi eiseváldi

Ohcama stáhtaloanaid ja vuovdinhadde-oažumiid mearreágasaš máksinfriddjavuođas galgá doaimmahit áššaigullevaš bargofápmo- ja ealáhusguovddážii manjimustá juovlamánu 31. beaivve 2000. Bargofápmo- ja ealáhusguovddáš čoavdá ohcama.

Mearreágasaš máksingeahpádusa, mii miedihuuvvo reantodoarjjaloana ja stáhtadáhkádusa hámis, galgá ohcat manjimustá juovlamánu 31. beaivve 2000. Ohcan doaimmahuvvo bargofápmo- ja ealáhusguovddážii. Bargofápmo- ja ealáhusguovddáš addá loatnaohcamis cealkámuša ja doaimmaha ohcama ruhtalágádussii. Ruh-talágádus doaimmaha ohcama Eana- ja meahcce-doalloministerijai, mii čoavdá ášši.

Ráddheusa ásahusain addojuvvojít dárkilet mearrádusat čuvvosiid birra ja dan meannudeami birra, man mielde doarjaga ohcan muđui galgá dáhpáhuvvat.

Dán logu mieldásaaš doarjaohcamiid galgá lágit bargofápmo- ja ealáhusguovddážii oktanaga. Ášši galgá giedahallat hohpolas áššin.

12 lohku

Fápmuiboahtin- ja sirdašuvvannjuolggadusat

69 §

Fápmuiboahtin

Dat goas dát lähka boahatá fápmui, mearriduvvo dárkileappot ásahusain. Jos Eurohpa Ovtastumi doaibmaorgánaid mearrádusat lähkii gulli doaib-

mabijuid dohkkeheamis addojuvvojít sierra áig-giid, de lágá oktan nuppástusaiguin sáhttá vás-tideaddji osiin bidjat fápmui sierra áiggiid.

Dáinna lágain gomihuvvo guovvamánu 9. beaivve 1990 addojuvvon boazoekonomijjaláhka (161/1990) ja borgemánu 24. beaivve 1984 addojuvvon luondduealáhuslákha (610/1984) daidda manjá dahkojuvvon nuppástusaiguin.

Ovdal dán lágá fápmuiboahtimá sáhttá algít lágá ollašuhtima gáibidan doaibmabijuide.

70 §

Ruđaid geavahheapmi

Boazodállolága, boazoekonomijjalága dahje luondduealáhuslágá ulbmiliid várás háhkkojuvvon dahje muđui ožžojuvvon opmodat geavahu-vvo, go dát lähka lea boahatán fápmui, eanadálloloalu ovddidanfoandda birra addojuvvon lágá (657/1966) 3 §:s mearriduvvon ulbmiliidda.

Eanadálloloalu ovddidanfoandda ruđaid sáhttá dasa lassin geavahit maiddái dakkár fitnuide, mat gergejuvvonit boazodállolága, luondduealáhuslágá ja boazoekonomijjalága mielde ja maid várás dáiđi ruđaid lea sáhttán geavahit dáiđi njuolggadusat mielde, mat ledje fámus dán lágá fápmui boadedettiin.

71 §

Ovđdit lähkamearrádusaid guoskadeapmi

Dán lágá fápmui boadedettiin áššit, mat leat guorahallojuvvomin boazodállolága, luondduealáhuslágá ja boazoekonomijjalága vuodul, giedahallojuvvot lohppii máinnašuvvon lágaid mielde.

Ovdal dán lágá fápmuiboahtimá boazodállolága, luondduealáhuslágá ja boazoekonomijjalága vuodul guorahallojuvvomii guđđojuvvon áššiid eaktodáhtolaš vealgeordnemis sáhttá goittot giedahallat lohppii ođđa lähkamearrádusaid mielde.

Boazoekonomijjalága ja luondduealáhuslágá ja ovdal dán lágá fámus leamaš eará lähkamearrádusaid ollašuhtima hárái ja máinnašuvvon lähkamearrádusaid vuodul šaddan stáhta-, gieldda- ja ruhtalágádusa oažžuma hárái čuvvojuvvoyit njuolggadusat, mat ledje fámus dán lágá fápmui boadedettiin, ja dáiđi mieldásaaš soahpamušeavttut.

Dálónguovloaláhuslágá (1295/1990) njuolggadusat guoskaduvvojít maiddái dán lágá fápmui boadedettiin luondduealáhuslágá ja boazoekonomijjalága ja dáiđi ovđdit lähkamearrádusaid vuodul guorahallojuvvomii boahatán áššiide dakko

bokte go máinnašuvvon lágain lea čujuhuvvon dálongoovloeláhuslákii. Stáhtaloana ovddosmáksima hárrái guoskaduvvo goittot, mii dán lágá 25 §:s mearriduvvo stáhtaloana ovddosmáksimis.

Rádđehusa ásahusain sáhttá addit meannudan-vugiid birra njuolggadusaid, mat spiehkastit 1-4 momeanttas oaivvilduvvvon láhkamearrádusain.

Ovdal dálongoovloeláhusaid ruhtadanlága (329/1999) fápmui boahtima 67 §:a 3 momeantta mieldásáš stáhtadáhkádussií sáhttá goittot guoskadiit dálongoovloeláhuslága (1295/1990) 7 logu heivvolaš osiin.

72 §

Ovddit láhkamearrádusaid mieldásáš máksin-geahpádusat ja vealgeordnemát

Boazodállolága, boazoekonomijjalága ja luondduealáhuslága mieldásáš stáhta vuovdinhadde-oožumiid ja loanaid máksingeahpádusat ja vealgeordnemát miedihuvvojít ja giedhallojuvvojít nugo evttohuvvon lága 5, 6 ja 11 logus daddjojuvvo. Stáhta ruhtadoarjaiid, vuovdinhaddeoožumiid ja stáhtaloanaid sihke reantodoarjjaloanaid eretcealkin ja ruovttoluottabearran dáhpáhuvvá ovdal dán lágá fápmuiboahntima fámus leamaš láhkamearrádusaid mielde.

73 §

Ovddit láhkamearrádusaid mieldásáš program-mavuoláš doarjagat

Ovdal dán lágá fápmuiboahntima fámus leamaš láhkamearrádusaid mieldásáš EU-oassáruhtadan prográmmavuoláš ruhtadoarjaiid ja eará doarjaiid juolludeamis ja máksimis, bearráigeahčamis ja eará meannudemiiin čuvvojuvvojít prográmma-baji loahpa rádjai dat njuolggadusat ja mearrádusat, mat ledje fámus dán lágá fápmui boadedettiin, jos EO-njuolggadusaid birra ii nuppeláhkai dadd-jojuvvo.

74 §

Ovddit láhkamearrádusaid mieldásáš loanaid stáhtavástu

Ovdal dán lágá fápmuiboahntima fámus leamaš láhkamearrádusaid vuodul eanadállodoalu ovddi-danfoanda ruđain juolluduvvvon stáhtaloanaid stáhtavásttu hárrái čuvvojuvvojít dat njuolggadusat, mat ledje fámus dán lágá fápmui boadedettiin.

75 §

Ovdal juolluduvvvon stáhtaloanaid dikšunmávssut

Boazoekonomijjalága ja luondduealáhuslága ja ovdal daid fápmuiboahntima fámus leamaš eará láhkamearrádusaid vuodul juolluduvvvon stáhtaloanaid dikšumis máksojuvvo ruhtalágádusaide dikšun-ja eará mávssuin buhtadus nugo rádđehusa ásahusain mearriduvvo.

76 §

Ovddit láhkamearrádusaid mieldásáš loanaid ja doarjaiid eretcealkin, loahpaheapmi ja ruovttoluottabearran

Ovdal dán lágá fápmuiboahntima fámus leamaš láhkamearrádusaid mieldásáš doarjaiid ja stáhtaloanaid loahpaheami, eretcealkima ja ruovttoluottabearramá hárri čuvvojuvvojít dat njuolggadusat, mat ledje fámus dán lágá fápmui boadedettiin.

77 §

Nuppástusohcan ovddit láhkamearrádusaid vuodul dahkkojuvvoon čovdosiin

Go dát láhka boahntima fápmui, de bargofápmo- ja ealáhusguovddáža ja dálongoovloeláhusaid väidinlavdegotti addin mearrádusaide boazoekonomijja- ja luondduealáhuslága mieldásáš áššiin ohccojuvvo nuppástus nugo dán lágá 9 logus seamalágan áššiid hárri mearriduvvo, beroškeahntá das mii nuppástusohcama birra lea ovdal mearriduvvo.

78 §

Čujuhannjuolggadusat

Dalle go eará sajis lágas lea čujuhuvvvon boazoe-konomijja- dahje luondduealáhuslákii, de galgá guoskadiit dán lágá vástideaddji njuolggadusa, jos ovdalis ii leat nuppeláhkai mearriduvvvon.

79 §

Huksensadji

Bálggus, mii boazodállolága mieldásáš hálldašanvuigatvuodain hálldaša huksensaji, sáhttá bargofápmo- ja ealáhusguovddáža lohpe-mearrádusain molsut huksensaji, mii lea unohas sajis dahje lea šaddan dárbašmeahttumin, boazodoalu dáfus vuohkkaset sadjái. Odda huksensaji lágida Meahcceráddheus. Bálggus galgá sirdit iežas oamastan visttiid guovllus guovtje jagi sisa

das, go lea ožzon bargofápmo- ja ealáhus-guovddáža mearrádusa. Bargofápmo- ja ealáhus-guovddáš sáhttá beavttálmahttit mearrádusa áittasáhkuin dahje barginnáitagiin nugo daid birra áittasáhkkolágas (1113/1990) mearriduvvo.

80 §

Ovddit láhkamearrádusaid mieldásáš dihto doaibmabijut ja vuogatvuodagaskavuođat

Boazodállolága njuolggadusat čuvvojuvvojtit daid áššiid hárrái, mat gullet boazodállolága ollašuhttimii ja maid birra ii leat dán lágas nup-peláhkai mearriduvvon. Dát guoská maiddái mák-

singeahpádusaide ja dáluid ráddjehusaide. Stáhta oažzumiid sirdin, stáhta oažzumiid ja doarjagiid ruovttoluotta bearran, dálu dahje dan oasi ráddjehusain ja bántavásttus luotin, luohpadanlobiid miedih-heapmi ja máksingeahpádusaide miedih-heapmi stáhta oažzumiid hárrái gullá goittot bargo-ja ealáhusguovddáža doaibmaválddi vuollai, jos dat eai leat dán lágas addojuvvon Eana- ja meahc-cedoallooministerija bargun. Boazodálloláhka čuvvojuvvo heivvolaš osiin maiddái loanaid hárrái. Máksingeahpádusaide ja loanaid sirdimiid čoavdá goittot loana juolludan ruhtalágádus, mii galgá dalle čuovvut mii ovddit láhkamearrádusain lea mearriduvvon.

Helssegis odđajagimánu 21. beaivve 2000

Dásseválddi Presideanta

MARTTI AHTISAARI

Eana- ja meahccedoalloministtar *Kalevi Hemilä*